

Կար

ԴՐԱՄԱՇՆՈՐՀԻ ՏՐԱՄԱԴՐՄԱՆ ՊԱՅՄԱՆԱԳԻՐ N 22

30 հունվարի 2019 թվականի, քաղաք Երևան

Հայաստանի Հանրապետության մշակույթի նախարարությունը (այսուհետ՝ Պատվիրատու)՝ ի դեմս նախարարության կանոնադրության հիման վրա գործող գլխավոր քարտուղար Ս. Մուրադյանի, մի կողմից, և «Ե. Չարենցի անվան գրականության և արվեստի թանգարան» պետական ոչ առևտրային կազմակերպությունը (այսուհետ՝ Կատարող)՝ ի դեմս կազմակերպության կանոնադրության հիման վրա գործող տնօրենի պաշտոնակատար Կ. Վարդանյանի, մյուս կողմից, կնքեցին սույն պայմանագիրը (այսուհետ նաև՝ Պայմանագիր) հետևյալի մասին.

1. ՊԱՅՄԱՆԱԳՐԻ ԱՌԱՐԿԱՆ

1.1. Պատվիրատուն հանձնարարում է, իսկ Կատարողը պարտավորվում է Պայմանագրով սահմանված վճարի դիմաց Պայմանագրով սահմանված կարգով ու ժամկետում իրականացնել Պայմանագրի 2.3-րդ կետով և իր կանոնադրությամբ նախատեսված թանգարանային առարկաների ու հավաքածուների պահպանում, համալրում, հաշվառում, հանրահռչակում, այցելուի սպասարկում և այլ գործառույթներ (այսուհետ՝ աշխատանք)՝ համաձայն սույն պայմանագրի անբաժանելի մաս կազմող՝

1.1.1. թանգարանային ծառայությունների և ցուցահանդեսների կանխատեսվող ֆինանսական և ոչ ֆինանսական ցուցանիշների՝ հավելված N 1:

1.1.2. ֆինանսական պարտավորությունների կատարման ժամանակացույցի՝ հավելված N 2:

1.1.3. ոչ ֆինանսական ցուցանիշների կատարման վերաբերյալ հաշվետվության՝ հավելված N 3:

1.2. Սույն պայմանագրով նախատեսված պարտավորությունների կատարման դիմաց վճարումը կատարվում է դրամաշնորհի հատկացման ձևով՝ «Հայաստանի Հանրապետության 2019 թվականի պետական բյուջեի մասին» Հայաստանի Հանրապետության օրենքի N 1 հավելվածի N 2 աղյուսակի «1075. Մշակութային ժառանգության ծրագրի» «11004. Թանգարանային ծառայություններ և ցուցահանդեսներ» միջոցառման համար նախատեսված բյուջետային հատկացումների սահմաններում:

2. ԿՈՂՄԵՐԻ ԻՐԱՎՈՒՆՔՆԵՐՆ ՈՒ ՊԱՐՏԱԿԱՆՈՒԹՅՈՒՆՆԵՐԸ

2.1. Պատվիրատուն պարտավոր է՝

2.1.1. Սույն պայմանագրի պահանջներին համապատասխան՝ Կատարողից ընդունել պատշաճ ձևով ու կարգով կատարված աշխատանքները և հաշվետվությունները:

2.1.2. Իր և Կատարողի կանոնադրություններով սահմանված իրավասությունների շրջանակներում Կատարողին ցուցաբերել մեթոդական և կազմակերպական օգնություն:

2.2. Պատվիրատուն իրավունք ունի՝

2.2.1. Ցանկացած ժամանակ (պարբերաբար), առանց որևէ սահմանափակումների, ստուգել Կատարողի կողմից սույն պայմանագրի կատարման ընթացքը և որակը՝ առանց միջամտելու վերջինիս կանոնադրական գործունեությանը (բացառությամբ օրենքով և Կատարողի կանոնադրությամբ սահմանված դեպքերի):

2.2.2. Կատարողից պարբերաբար պահանջել ու ստանալ տեղեկատվություն սույն պայմանագրի կատարման ընթացքի մասին:

2.2.3. Իր իրավասությունների սահմաններում կասեցնել Կատարողի կողմից ոչ պատշաճ ձևով կամ կարգով կատարվող աշխատանքները:

2.2.4. Կատարողից պահանջել առանց լրացուցիչ վճարի վերստին կատարել ոչ պատշաճ ձևով կամ կարգով կատարված աշխատանքները:

2.2.5. Վերահսկել սույն պայմանագրով Կատարողին հատկացված դրամական միջոցների նպատակային օգտագործումը:

2.2.6. Պայմանագրի 2.3-րդ կետով նախատեսված պարտավորությունները վերանայել (փոփոխություն կատարել) նախորդ տարվա հաշվետվությունների արդյունքների հիման վրա:

2.3. Կատարողը պարտավոր է՝

2.3.1. Ժամանակին, պատշաճ ձևով ու կարգով կատարել սույն պայմանագրի 1.1-ին կետով նախատեսված աշխատանքները և իրականացնել դրանց հաշվառումը՝ Հայաստանի Հանրապետության օրենսդրությամբ և իրավական ակտերով նախատեսված ձևով ու կարգով:

2.3.2. Սույն պայմանագրով սահմանված պարտավորություններն իրականացնել Պատվիրատուի կողմից հաստատված մեթոդական ցուցումների, հրահանգների և այլ իրավական ակտերի (փաստաթղթերի) պահանջներին համապատասխան:

2.3.3. Պատվիրատուին անհապաղ հայտնել սույն պայմանագրի կատարման համար առաջացած խոչընդոտների մասին և միաժամանակ ձեռնարկել իր կողմից հնարավոր բոլոր միջոցները՝ այդ խոչընդոտներն անհապաղ վերացնելու համար:

2.3.4. Պայմանագրից բխող աշխատանքներն իրականացնել՝ ապահովելով պայմանագրի պարտադիր պահանջները:

2.3.5. Պայմանագրից բխող աշխատանքները չկատարելու դեպքում վերադարձնել Պատվիրատուի կողմից տրամադրված գումարը և վճարել տուգանք սույն Պայմանագրի 3.1-ին կետում նախատեսված գումարի 1.0 (մեկ) տոկոսի չափով:

2.3.6. Հրապարակել Պատվիրատուի անունը, իսկ համաֆինանսավորման դեպքում տրամադրել ամբողջական տեղեկատվություն՝ ծրագրին աջակցող կազմակերպության ֆինանսավորման չափի և վերջինիս հետ ձեռք բերված այլ պայմանավորվածությունների մասին:

2.3.7. Սույն Պայմանագրի 1.1-ին կետով նախատեսված աշխատանքների կատարման գործընթացը կազմակերպել «Գնումների մասին» ՀՀ օրենսդրությամբ սահմանված կարգով:

2.3.8. Պատվիրատուին ներկայացնել եռամսյակային ու տարեկան հաշվետվություններ՝ համաձայն ՀՀ ֆինանսների նախարարի 2013 թվականի փետրվարի 4-ի N 104-Ն և 2015 թվականի ապրիլի 1-ի N 176-Ն հրամանների, ինչպես նաև ՀՀ օրենսդրությամբ և իրավական ակտերով նախատեսված ձևով ու կարգով:

2.3.9. Պատվիրատուի հետ նախապես համաձայնեցնել նրա իրավասությանը վերապահված հարցերի լուծման տարբերակները:

2.3.10. Պատվիրատուի պահանջով նրան հաղորդել տեղեկատվություն աշխատանքների կատարման ընթացքի մասին, ինչպես նաև ներկայացնել սույն պայմանագրի կատարմանը վերաբերող բոլոր տեսակի փաստաթղթերը (Ֆինանսական և բովանդակային հաշվետվություն): Բովանդակային հաշվետվության հետ ներկայացնել իրականացված միջոցառումների մասին համապատասխան նյութեր (լուսանկարներ՝ լոգոտիպ կամ այլ գրաֆիկական պատկեր, ազդագրեր, հրավիրատոմսեր, մամուլի հրապարակումներ և այլ տեղեկատվական նյութեր)՝ էլեկտրոնային կրիչներով:

2.3.11. Սույն Պայմանագիրն ուժի մեջ մտնելուց հետո մինչև 2019 թվականի փետրվարի 20-ը Պատվիրատուի հաստատմանը ներկայացնել Կատարողի կողմից իրականացվող ֆինանսատնտեսական գործունեության նախահաշիվը՝ համապատասխան հիմնավորումներով: Նախահաշվի յուրաքանչյուր ծախսային ուղղության մեջ կատարվող փոփոխությունը նախապես՝ մինչև փաստացի ծախսերի կատարումը համաձայնեցնել Պատվիրատուի հետ: Նախահաշվում փոփոխությունների ներկայացման առաջարկի վերջնաժամկետն է 2019 թվականի դեկտեմբերի 20-ը: Աշխատանքների իրականացման արդյունքում առաջացած տնտեսումները (խնայողությունները) ենթակա են վերադարձման ՀՀ պետական բյուջե՝ ոչ ուշ, քան մինչև 2019 թ. դեկտեմբերի 25-ը:

2.3.12. Ապահովել իր կայուն գործունեությունը, ֆոնդարաններում թանգարանային առարկաների անվտանգ պահպանությունը, ազդանշանային և հակահրդեհային համակարգի շահագործումը:

Գիտաֆոնդային աշխատանքներ

2.3.13. Իրականացնել գրական ֆոնդերի ստուգում, հաշվառում, վերականգնում և ամրակայում:

2.3.14. Իրականացնել թանգարանային առարկաների մուտքագրումը շտեմարան և հիմնական ֆոնդի թվայնացում:

Գիտահետազոտական աշխատանքներ

2.3.15. Շարունակել գիտական բաժիններում արխիվների (գրավոր աղբյուրներ) մշակման, առարկայացուցակների և գիտական վկայագրերի կազմման աշխատանքները:

2.3.16. Շարունակել իրականացնել թանգարանային առարկաների վերականգնման և ամրակայման աշխատանքները:

2.3.17. Հաստատել գիտական խորհրդում 2019 թվականի գիտական ծրագրերը և մինչև 2019 թվականի ապրիլի 30-ը ներկայացնել Պատվիրատուին:

2.3.18. Մինչև 2019 թ. փետրվարի 20-ը Պատվիրատուին ներկայացնել 2019 թ. նախատեսվող միջոցառումների, ցուցահանդեսների, հրատարակվող ուսումնասիրությունների և գիտակրթական ծրագրերի ցանկն ու հստակ ժամանակացույցը:

2.3.19. «Մատենադարան» Մ. Մաշտոցի անվան հին ձեռագրերի գիտահետազոտական թանգարան-ինստիտուտի հետ համատեղ շարունակել իրականացնել ձեռագրերի ֆոնդերի դիտանցում և համտեղ մշակել 2019 թվականի վերականգնման ենթակա թանգարանային առարկաներ ցանկը, իրականացնել այդ առարկաների վերականգնման աշխատանքներ և յուրաքանչյուր կիսամյակ Պատվիրատուին ներկայացնել տեղեկատվություն կատարված աշխատանքի վերաբերյալ:

Գիտացուցադրական՝ թանգարանային առարկաների հանրահռչակում

2.3.20. «Թանգարանների գիշեր», «Թանգարանների միջազգային օր», «Եվրոպական ժառանգության օրեր» միջոցառումների խորագրերին համապատասխան՝ մշակել նոր ծրագրեր, կազմակերպել միջոցառումներ, ցուցահանդեսներ:

2.3.21. Կազմակերպել հորեյանական ցուցահանդեսներ, այդ թվում՝ Ա. Բակունցի 120-ամյակ, Պ. Պոռոջյանի ծննդյանը նվիրված միջոցառում, Պ. Պոռոջյանի և Ա. Դուլգյանի ամուսնության 150-ամյակ, Հ. Թումանյանի 150-ամյակ, «Ս. Կապուտիկյանի ծննդյան 100-ամյակ», «Չապել Եսայանի ծննդյան 140 ամյակ», «Դանիել Վարուժանի ծննդյան 135-ամյակ», «Կոմիտասի ծննդյան 150-ամյակ», «Վ. Թորթվենցի ծննդյան 125-ամյակ», «Պետրոս Ադամյանի ծննդյան 170-ամյակ», «Գևորգ Պետրոսյանի ծննդյան 160-ամյակ», «Արմեն Գուլակյանի ծննդյան 120-ամյակ», «Հրաչյա Հովհաննիսյան 100-ամյակ», «Գևորգ Էմին 100-ամյակ», «Արնոլդ Աղաբաբովի ծննդյան 90-ամյակ», «Արշակ Բուրջայանի ծննդյան 140-ամյակ», «Հայ երաժշտության հանճարը՝ Կոմիտաս 150-ամյակ»:

2.3.22. Կազմակերպել և իրականացնել «Հովհաննես Թումանյանի 150 և Վերնատուն 120», «Կոմիտաս 150» դասախոսությունների շարք:

2.3.23. Պարբերաբար իրականացնել Կայքէջի թարմացման աշխատանքներ և իր կողմից կազմակերպվող յուրաքանչյուր միջոցառման վերաբերյալ տեղեկատվություն տեղադրել կայքէջում, ծավալել գովազդային գործունեություն, ապահովել դիտորդի համար կայքէջում որոնման մատչելիությունը:

2.3.24. Ավարտին հասցնել ցուցասրահների մշտական ցուցադրության վերաբերյալ հակիրճ քառալեզու (հայերեն, անգլերեն, ֆրանսերեն, ռուսերեն) տեղեկատվություն՝ ցուցանակների տեսքով:

2.3.25. Թանգարանի մասնաճյուղերի հանրահռչակման ու շենքային տեսանելիության ապահովման համար մինչև 2019 թ. հունիսի 1-ը իրականացնել գովազդային վահանակների տեղադրման աշխատանքներ՝ ձևավորումը և բովանդակությունը համաձայնեցնելով Պատվիրատուի հետ:

2.3.26. Ապահովել մշտական և ժամանակավոր ցուցադրությունների այցելուների ընդունումն և էքսկուրսիոն սպասարկումը:

2.3.27. Թանգարանում և մասնաճյուղերում կազմակերպել և իրականացնել ՀՀ պետական տոների, հիշատակի օրերին և ժողովրդական տոներին նվիրված միջոցառումներ՝ այդ

թվում «Հայ կինո. տարեգրության ուրվագիծ» ցուցահանդես, Պ. Պոռոշյանի ծննդյանը նվիրված միջոցառում, Փառատոն՝ «Ավանդական տոների վերածնունդ» «Ամենամյա Բերքի տոն Պ. Պոռոշյանի թանգարանում» (Պերճ Պոռոշյանի տուն-թանգարան), -Թեմատիկ դաս՝ նվիրված Դեմիրճյանի երգիծական մանրապատումներին, Հանդիպում գրող Արմենուհի Սիսյանի հետ, Դեմիրճյանի ստեղծագործությունների թեմաներով շարադրությունների մրցույթ, Հանդիպում՝ գրող Երվանդ Պետրոսյանի հետ (Դ. Դեմիրճյանի տուն-թանգարան), - «Թումանյանական օր» ավանդական միջոցառում, Թումանյանի դասերը՝ դասախոսություն և մեջբերումներ Թումանյանի ստեղծագործություններից, «Գիրք նվիրելու օր» (Հովհաննես Թումանյանի տուն-թանգարան (Դսեղ), «Բակունցյան օրեր» (համաքաղաքային տոն, Ակսել բակունցի տուն-թանգարանում Գորիս):

2.3.28. Հրատարակել «Կոմիտաս», «Հ. Թումանյան» եռալեզու բացիկների հավաքածուն:

2.3.29. Հրատարակել Կոմիտասի 150-ամյակին նվիրված «Ե. Չարենցի «Կոմիտասի հիշատակին» և Պ. Սևակի «Անլռելի զանգակատուն» պոեմների արողջական ժողովածուն»:

2.3.30. Հրատարակել «Սիլվա Կապուտիկյան 100, Գևորգ Էմին 100, Հրաչյա Հովհաննիսյան 100» հոբելյանական գիրքը:

2.3.31. Շարունակել համագործակցել Զավախքի Վահան Տերյանի, Կարճախ գյուղի Աշուղ Զիվանու տուն-թանգարանների հետ, անհրաժեշտության դեպքում պարբերաբար տրամադրել համապատասխան տեղեկատվություն և նյութեր տուն-թանգարաններին:

2.3.32. Կազմակերպել և իրականացնել ՀՀ պետական տոներին, հիշատակի օրերին և ժողովրդական տոներին նվիրված միջոցառումներ:

Գիտակրթական ծրագրեր

2.3.33. Թանգարանում և բոլոր մասնաճյուղերում կազմակերպել և իրականացնել կրթական ծրագրեր, դասախոսություններ (այդ թվում՝ Հ. Թումանյան 150, Կոմիտաս 150):

2.3.34. Կազմակերպել դասախոսություններ ՀՀ ՊՆ զորամասերում և քրեակատարողական հիմնարկներում:

2.4. Կատարողն իրավունք ունի՝

2.4.1. Պատվիրատուից պահանջել ընդունել սույն պայմանագրի 1.1-ին կետում նշված և Կատարողի կողմից պատշաճ ձևով ու կարգով կատարված աշխատանքները:

2.4.2. Պատվիրատուից պահանջել վերացնել Կատարողի գործողություններից (անգործությունից) անկախ՝ պատվիրատուի մեղքով սույն պայմանագրի կատարման համար առաջացած խոչընդոտները կամ վերանայել սույն պայմանագրի պայմանները:

2.4.3. Վաղաժամկետ լուծել սույն պայմանագիրը՝ սույն պայմանագրով կամ Հայաստանի Հանրապետության օրենսդրությամբ սահմանված կարգով և դեպքերում:

3. ՊԱՅՄԱՆԱԳՐԻ ԳԻՆԸ ԵՎ ՎՃԱՐՈՒՄՆԵՐԻ ԿԱՐԳԸ

3.1. Սույն պայմանագրի 1.1-ին կետում նշված աշխատանքների կատարման ընդհանուր արժեքը սահմանված է 154493.4 հազար (մեկ հարյուր հիսունչորս միլիոն չորս հարյուր իննսուններեք հազար չորս հարյուր) դրամ՝ ներառյալ հարկերը, տուրքերը ու պարտադիր այլ

վճարները: Այդ գումարի չափը կարող է փոփոխվել սույն պայմանագրով, կամ Հայաստանի Հանրապետության օրենսդրությամբ սահմանված դեպքերում և կարգով:

3.2. Սույն պայմանագրի 3.1-ին կետում նշված գումարը Պատվիրատուն պետք է Կատարողին վճարի սույն պայմանագրի 2-րդ հավելվածով սահմանված ժամկետներում, Կատարողի՝ սույն պայմանագրում նշված գանձապետական հաշվեհամարին փոխանցումներ կատարելու եղանակով:

3.3. Կատարողի կողմից աշխատանքների կատարման՝ սույն պայմանագրով սահմանված ցուցանիշներն ու պայմանները խախտելու դեպքում Պատվիրատուն իրավունք ունի վերանայել սույն պայմանագրի 3.1-ին կետում նշված գումարի չափը և դրա վճարման ժամանակացույցը:

3.4. Համաձայն «ՀՀ 2019 թվականի պետական բյուջեի մասին» ՀՀ օրենքի 7-րդ հոդվածի 22-րդ կետի հաշվարկված ԱԱՀ-ի գծով լրացուցիչ հատկացումները չեն կարող ուղղվել այլ նպատակների և չօգտագործված գումարները 2019 թվականի ընթացքում ենթակա են վերադարձման ՀՀ պետական բյուջե:

4. ՊԱՅՄԱՆԱԳՐԻ ԺԱՄԿԵՏԸ

4.1. Սույն պայմանագիրը ուժի մեջ է մտնում կողմերի ստորագրության պահից և գործում է մինչև 2020 թվականի հունվարի 31-ը:

4.2. Սույն պայմանագրի գործողությունը տարածվում է 2019 թ. հունվարի 1-ից հետո ծագած հարաբերությունների վրա:

5. ԱՇԽԱՏԱՆՔՆԵՐԻ ԸՆԴՈՒՆՄԱՆ ԿԱՐԳԸ

5.1. Սույն պայմանագրի 1.1-ին կետում նշված և կատարված աշխատանքները Կատարողի կողմից ներկայացվում են Պատվիրատուի ընդունմանը ոչ ուշ, քան յուրաքանչյուր եռամսյակին հաջորդող ամսվա 10-ը (հավելված 3):

6. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ

6.1. Սույն պայմանագրով նախատեսված պարտավորությունները կողմերը պարտավոր են կատարել պատշաճ և սահմանված ժամկետներում: Դրանք ոչ պատշաճ կամ ժամկետանց կատարելու, չկատարելու կամ կատարելուց խուսափելու դեպքում, ինչպես նաև իրենց գործողություններով կամ անգործությամբ սույն պայմանագրի կատարման համար խոչընդոտներ ստեղծելու, մյուս կողմին վնաս պատճառելու կամ կանխատեսվող եկամուտներից զրկելու համար կողմերից յուրաքանչյուրը կրում է պատասխանատվություն մյուս կողմին պատճառած վնասների և բաց թողնված օգուտների լրիվ ծավալով՝ Հայաստանի Հանրապետության օրենսդրությամբ սահմանված կարգով:

6.2. Սույն պայմանագիրը կարող է վաղաժամկետ լուծվել կողմերից որևէ մեկի նախաձեռնությամբ՝ մյուս կողմի՝ սույն պայմանագրի պայմանները խախտելու դեպքում: Այդ ժամանակ նախաձեռնող կողմը պետք է ստանա վնասների և բաց թողնված /չստացված/ եկամուտների լրիվ չափով փոխհատուցում:

6.3. Սույն պայմանագիրը վաղաժամկետ դադարեցնելը կամ լուծելը կողմերից որևէ մեկի համար այն կատարել շարունակելը աննպատակահարմար լինելու դեպքում կամ այլ պատճառաբանությամբ չի թույլատրվում: Նման դեպքում մյուս կողմն իրավունք ունի կամ ստանալ սույն պայմանագրի 6.1-ին կետով նախատեսված լրիվ փոխհատուցումը, կամ պահանջել սույն պայմանագրի հարկադիր կատարումը:

6.4. Սույն պայմանագրով սահմանված ժամկետները Կատարողի կողմից չպահպանվելու դեպքում վերջինս, եթե Պատվիրատուին չի ներկայացրել դրա վերաբերյալ հիմնավոր բացատրություն, վճարում է տույժ Պայմանագրի գնի 0.01 (մեկ հարյուրերորդական) %-ի չափով՝ ուշացման յուրաքանչյուր օրացուցային օրվա համար:

6.5. Սույն պայմանագրով նախատեսված պարտավորությունները չկատարելու կամ ոչ պատշաճ կատարելու դեպքում Կատարողը, եթե Պատվիրատուին չի ներկայացրել դրա վերաբերյալ հիմնավոր բացատրություն, վճարում է տուգանք, չկատարված աշխատանքի 0.5 (հինգ տասնորդական) %-ի չափով:

7. ԱՅԼ ՊԱՅՄԱՆՆԵՐ

7.1. Սույն պայմանագրով պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է սույն պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներ են երկրաշարժը, ջրհեղեղը, հրդեհը, պատերազմը, ռազմական և արտակարգ դրություն հայտարարելը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում սույն պայմանագրով պարտավորությունների կատարումը:

7.2. Սույն պայմանագրից ծագած կողմի վճարային պարտավորությունը չի կարող դադարել այլ պայմանագրից ծագած՝ հակընդդեմ պարտավորության հաշվանցով՝ առանց կողմերի գրավոր և կնիքով հաստատված համաձայնության:

7.3. Սույն պայմանագրում փոփոխություններ և լրացումներ կարող են կատարվել միայն կողմերի երկկողմ գրավոր համաձայնություն կազմելու միջոցով:

7.4. Սույն պայմանագրի կապակցությամբ ծագած վեճերը լուծվում են բանակցությունների միջոցով: Համաձայնություն ձեռք չբերվելու դեպքում վեճերը լուծվում են դատական կարգով:

7.5. Սույն պայմանագիրը կնքելիս կողմերը հաստատում են, որ դրանով իրենց շահերը և օրինական իրավունքները ոչ մի կերպ չեն խախտվում կամ սահմանափակվում:

7.6. Սույն պայմանագիրը կազմված է 11 էջից (ներառյալ հավելվածները), կնքվում է երեք օրինակից, որոնք ունեն հավասարազոր իրավաբանական ուժ:

8. ՏԵՂԵԿՈՒԹՅՈՒՆՆԵՐ ԿՈՂՄԵՐԻ ՄԱՍԻՆ

Պատվիրատու՝ Հայաստանի Հանրապետության մշակույթի նախարարություն, հասցեն՝ 0010, Երևան, Վազգեն Սարգսյան 3, Կառավարական տուն 2, հաշիվ N 900011031045՝ Հայաստանի Հանրապետության ֆինանսների նախարարության գործառնական վարչություն, հեռ.՝ (011) 529-349:

Կատարող՝ «Ե. Չարենցի անվան գրականության և արվեստի թանգարան» պետական ոչ առևտրային կազմակերպություն, Հայաստանի Հանրապետության իրավաբանական անձանց պետական ռեգիստրում պետական գրանցման N 286.210.04834, վկայական N 03 Ա 059152, տրված «03 փետրվարի 2003թ., գրանցման հասցեն՝ Երևան, Արամի 1, ՀՎՀՀ՝ 02512394, ՀՀ ֆինանսների նախարարության գործառնական վարչություն, գանձապետական հաշիվ N 900018002031, հեռ.՝ (010) 563-641:

Պատվիրատու՝

ՀՀ մշակույթի նախարարության
գլխավոր քարտուղար՝



Կ.Տ.

Կատարող՝

«Ե. Չարենցի անվան գրականության և արվեստի
թանգարան» ՊՈԱԿ-ի տնօրենի պաշտոնակատար՝



Կ. ՎԱՐԴԱՆՅԱՆ